



幾社壬申合稿卷之十七

華亭楊

肅

徐鳳彩

盛翼進全選

策文

擬漢武帝太山金策文

李雯

元封元年夏四月、皇帝臣徹、登封太山、肅恭戒事、
敢昭告于昊天上帝、惟天純佑、大漢五世丕昌、予
小子不惠、洪承大歷、震于厥躬、永惟吾祖宗奕世
登明、越予小子、不敢荒祗、繹帝思、曠民以自懋、式
宗萬邦、悼九夷勿靖、曰余民侮、不敢廢上帝命、哀

師越。岨三十有二君。降旗奔旅。惟匈奴。惟越。惟閩。惟甌。咸服其辜。南海河陞。擴吾四輔。惟帝威普。將徹罔敢自許。欽厥心。惟日惟夜。亦莫知所承。和樂敦禮。肆上帝降休。則亦惟有日月星辰之祥。山川草木咸貢厥祉。民獻有萬夫。端端皇皇。來告于庭。曰天乃臨裕。大不可無報。用祗厥後。肆予小子。勿敢讓禪。茲東土輝耀光明。天亦惟斐。忱洪惟吾萬方之命。基予一人。是用積行度思。逃聽遐觀。太乙靈星。八神三山。非予一人。妄有汰心。何帝之成休。

樂永保康。乃三月至緱氏。肅若有聞。遂東巡海上。神靈取著。誕降臣趾。豈上帝之大祐。徹躬秩秩。蒸蒸俾予一人。植固吾大化。用扶天助。壽四海介福。無疆。嗚呼。謹若茲。雲景恢奇。四氣肅明。靈符告珍。協于休經。予小子敬拜神施。鴻衍布茲。保乃國。艾乃民。賁敷乃聖緒。與金石固。

冊文

冊狐文

夏允彞

冊曰。朕用不聰。覆厥群育。唯在位。摯亢罔余一人。

克。諧。朕。悼。厥。心。弘。敷。采。山。穴。有。媚。于。朕。志。爰。命。予。
弼。唯。爾。狐。綏。綏。來。儀。萃。應。朕。求。朕。用。爾。休。用。錫。爾。
典。禮。其。敬。聽。朕。命。朕。唯。有。衆。懟。冒。亦。罔。或。克。化。唯。
爾。狐。藁。茹。櫟。咀。襄。爾。秘。功。秘。功。用。成。爾。形。乃。數。貧。
亦。粉。厥。頰。亦。良。厥。須。用。爾。御。于。陰。陽。厥。惟。爾。才。誰。
余。禦。侮。曰。唯。善。奔。走。唯。爾。狐。克。徃。爾。馳。朝。莫。儵。掉。
罔。踪。爾。趾。厥。唯。爾。能。有。喙。其。悞。有。蹄。其。踣。衆。字。以。
仁。視。朕。衆。沸。騫。則。莫。或。用。戢。朕。命。爾。導。余。衆。用。慄。
匿。罔。聲。朕。慝。厥。惟。爾。威。有。孤。其。角。謹。號。曰。獬。豸。不。

嚮。朕。憎。而。崇。櫻。厥。暱。匪。爾。狐。于。朕。乎。娛。朕。庭。曷。餌。
厥。唯。爾。忠。肆。厥。不。軌。媚。爾。馴。昵。朱。燎。炎。炎。曰。唯。爾。
求。唯。爾。不。震。不。難。馮。厥。城。自。厲。卒。莫。爾。嚮。邇。厥。唯。
爾。勇。衆。倖。醜。良。呼。儔。翕。殛。曰。莫。爾。出。入。爾。居。郗。曲。
不。恒。厥。窟。蹠。連。并。互。爾。逝。則。逸。厥。唯。爾。智。四。夷。弗。
賓。符。技。罔。臻。育。爾。於。匱。其。樂。孔。耽。朕。于。于。晝。爾。丹。
其。服。朕。于。于。宵。爾。白。其。容。蓬。蓬。其。後。用。兆。朕。悠。昌。
厥。唯。爾。多。材。藝。鹿。走。於。郊。化。爲。猊。獮。狝。羊。求。食。哮。
闕。若。虎。朕。懼。四。顧。罔。不。朕。嚙。唯。爾。左。右。朕。朕。躬。用。

怡鋸攫之聲。朕斯不聞。厥唯爾能治。爾始爰立。眾咸爾尤。朕志不惑。爾後克麗。既長百群。眾則爾服。嘉譽肆溢。訖於幽窟。徹于替御。朕視天下。卒莫爾類。朕聞能懋懋。賞帝王循躅。故楚王雄霸。亡馬峻秩。衛乃孱主。其鶴乘軒。况爾迅才。乘鬼克嘯。克嘯媚茲之誦。見美詩書。能贖于彼。而賞嗇于此。朕甚恧焉。今以首丘之壤。環二百里。封爾為胡公。用建玄社。衍厥子孫。又錫爾青珠百顆。用析授厥胤。世嗣爾媚業。錫爾丹袞赤裳。益沃爾顏。蠱智破貞。罔

勿遜爾志。錫爾射犬之弧。犬至弧張。則莫爾嗥。况爾敢噬。錫爾驚精之香。敵爾臊人。則永祠爾爾。魁道用不衰。錫爾絳繒之囊。衛爾足捷。爾穿求周爾多穴。錫爾古鏡一定。爾疑偵物。將飛耳逝。取母後。錫爾氏曰趙。嘔淪吸晶。物莫肯捍。爾用是難。老錫爾嘉名曰紫。潛潛袿袿。迷陽亂朱。匪厥體用。嘉爾柔音。錫爾碧牘丹篆之書。用減爾謀。達於昊天。永左右上帝。莫爾傾爾其欽哉。母凋爾赤母。慈爾術。朕唯爾腎腸。爾均余休戚。

前題

徐孚遠

制詔丞相侍中領玄丘校尉胡紫少長名族翱翔
貴仕挺中和之秀寔據九六之神符通理識於繫
表知機彰於靈契以射策超異待詔門下省舉主
東方公諫珂以君銳上豐下姿制修整揚于王庭
除殿中侍御史內司服趙堯李舜迭舉春秋卽其
任也君入侍幃幄有張卿之勤勞出請休沐類孔
公之淵默薦寵氣勢雅善公卿博雜多知才任肺
腑朕彌欲試君以事遂乃歷職中外績聞茂著彰

于先功則攸昌應夏作瑞開周方之於此曾何等
級議者喁喁皆以君宜在帝左右參與機禁今將
揚君之休烈君其敬聽朕後命君昔守專城敵人
不咸忌君名德乃收合醜徒因宜作氣君登陴授
兵慷慨長嘯敵則逡巡引却旗鼓自壞李廣之居
北平匈奴不入馬援之守隴右燒當罷圍君之功
一也白額英武搏食無厭君身入其穴權以譎衆
遂令彪闕之姿弭耳受教將命無廢獨步江淮百
靈震恐君之功二也君洞曉孤虛若指諸掌韓原

之後晉師倍我筮而得君惟敵是求獲其大醜師
 曠驟歌賁皇夷竈從容決策多于汗馬君之功三
 也君政成睢陽強梗戢抑東都王老包藏禍心牽
 策罷足將逞志於君亦卒不克所部清蕩無或鳴
 吠君之功四也越裳雉氏粗有文菀本無力用遂
 乃驅扇浮華舉動乖忤辜負恩紀孰謂可容君應
 時掩捕不惑人言華士之戮稱于鄭志聞人之誅
 方于魯刑君之功五也君一志奉公恥以恩澤自
 樹幕府親信咸以義裁生平恩故無或私請埋摺

之頌得於與人無偏無黨王道蕩蕩君之功六也
 君檢校秘書收視圖籍而守者不戒國典淪放君
 乃大索遺佚手得靈文應天之章藏于內府蕭何
 入關財帛無取王允遷洛載書數乘君之功七也
 河津之間民苦其魚君乃先驅立表百萬之衆資
 君以濟君之功八也君為政孳孳常得民和大小
 恩乞無不給贍于時婦女飲食必祝藥布相梁遂
 有俞侯之社盼子守齊皆祭東門之鬼君之功九
 也君有此九功蓋莫茂焉加以緣階日月呼嘯風

兩便蕃常待之省。出入紫微之庭。總錄諸條。一決于中。朕倚君以治。無或迷惑。齊桓之于敬仲。言則稱聖。宋武之於道民。動必見容。君之謂也。君又朝夕給事。憂國如家。善任疾惡。出自天性。非類者必去。不無窮髮之威。愛我者知懷。遂有擊尾之報。行父之事。君取其無禮。成子之讓。善是曰知人。君之諸昆。曰封。君之弱弟。曰斌。皆一心於主。盡力自効。至於蘊憤。渡湘之士。被罪涉江之夫。或虬髯直視。鞅。皇。當塗。或掉臂行歌。流言醜正。莫不捷步扞關。

斷其要領。飛文激射。勢甚風沙。今者在朝。師師人無間言。君烈隆於丘山。而賞薄不稱。朕甚惡焉。今遣冠軍侯勇。巴西侯賓。持節冊君為中丞相。青丘公。其以東海十郡為青丘公封邑。殊禮優冊。所司其依宜條上。朕其與君通屬籍。君男女在襁褓者。皆以名聞。賜霞鞋雲紉。得引入殿中。君其專思慮。益精神。時自娛樂。稱朕意焉。

前題

李 雯

冊曰。咨汝狐廓。穹浩維引。靈沉愚日月。惟節鮮變。

高羈山黨川汚罔有奏治幽文秘書功墨寘不徽越
 囊疵肆蕪靡有魁瑣惟汝德克不有競彊罔曰予
 龍牙次次且且秉火負黃吐文協機亦謹體勤將
 瀆岳四五波淫嶂岨不屏不薛以不汝禦順處
 茹亦惟豐溫匪角匪牙以在于左右肆詔余群萌
 蜺雲霧霾不妄接屏余用以信安炤炤在下用康
 于紫庭用錫汝難老宜陰宜陽膚朽吹枯衍道固
 藏粉頰視秣和脂惠荒噤頤英藥九蘭聚光合其
 九六升于玄房曼衍誕肆下理拓坦載登闡闔無

有真畛余厥終乃倚玄業豫茂欽乃功錫爾青丘
 金鼎玉輿荐于上公班寅韓戍惟率惟從鵲冰不
 慄雉膏孔腴宜爾孫子青珠丹書用紹乃紫祖岐
 尾鴻壽明帝瑞祥

前題

朱灝

山君氏耽欲爭長世畏其猛率曠野遇狸首豢尻
 捷若猱猴者欲得甘心焉若止之曰無留我若屬
 應熱服母酷急也山君據扈不屈乃出天帝勅脉
 之曰青丘侯裘紫爾之先淹伊陰譎世通天命以

乞九命爾雄才汜濟小心如玆既協祥符復標德
至錫爾滲澤之邑雄伯百獸以張大美爾自表麗
龐綏綏可為青白不易獵取爾筮宰淇梁好鬼恠
近姪娥令人案息彼張牙鑿齒敗乃事者爾以色
尚中和瞻顧前後自為首尾彌縫其闕未修厥職
念爾孤生感乘柔多皮好往愆悉置勿理寵新再
命女復道巡爾素念本知危果無躡等無挺險有
仇爾懸金相構者近去肘腋田獲日有禁俾爾寬
裘華裏與諸侯卿大夫相表裏以決疑治爾善視

聽凡碣磳觸突穴託窟營髮鬚蚍蜉獐文磨欲者
俱得先密以聞惟益勵貞行去媚狀終嘉與之令
長有首丘母易尔守

制辭

戲為授麗氏制辭

徐孚遠

門下西閣舍人守游佃使者褚昌地實華望識涉
通微名編玉策之府體散金衡之氣少嘗學禮似
孔父之益恭長而有文得漢皇之器重加以風情
閒朗高踞撫軍之床機鑿不凡擅絕丞相之譽遂

乃便蕃入仕。參承內省。賜沐罕出。效日。殫夙夜之勤。君舉必先。有塞侯周密之慎。在公盡節不避。熏燒國爾。忘身豈惟。腸腎雖竊脂之議。或見裁于吏人。而依社之誠。乃戢心于有識。至於握籌殿上。校理禁中。莫不洞曉於心。如指諸掌。是用假之璽符。觀其政事。初試河東。底三歲上計之績。分竹隴右。致千倉大舖之誣。豈直西門鄴城之守。諭其神明。見寬內史之租。比其殿最哉。惟茲倉部國計所資。大農置丞。關籠郡國。常平賜爵。和在得人。而不令

之臣有扈氏。自處膏腴。恥問錢穀。致令筐篚入都。恣其囊橐。紅朽殷地。適委泥沙。凡爾所司。莫非罔上用。絕漁蠹在我。信臣必使披圖秦府。具戶口之贏虛。漕粟漢年。徵百物之饒乏。可進昌秩。大中大夫。上儀同。仍兼入內都知。依前閣門祗候。檢校殿前錄事。權判尚書度支。行搜粟都尉。勲封如故。嗚呼。用爾入穴之智。笑兼行截角之威。名刺奸則毫毛必繩。轉漕而舳舻卸尾。可依前件。主者施行。教

擬修淮陰侯廟教

陳子龍

夫。英。姿。歇。淪。後。景。猶。篤。懋。功。邈。焉。更。積。愴。悼。淮。陰。侯。挾。策。奇。通。奮。功。危。大。拔。濯。之。際。赫。然。照。人。取。威。橫。決。莫。識。本。要。原。其。舒。立。吾。無。間。然。泊。乎。解。樞。上。將。結。綬。真。王。受。縛。雲。夢。廢。置。長。安。單。辭。見。收。異。門。丹。宗。疑。謗。錯。交。功。禍。同。烈。矣。抗。心。憑。古。偉。跡。非。遙。流。運。撫。今。曠。雄。莫。借。睠。懷。舊。楚。廟。貌。曖。湮。跂。彼。碩。人。浩。浩。荒。野。夫。楚。霸。威。神。屢。擯。淫。祠。漢。家。俎。豆。已。蕪。原。廟。獨。此。幽。靈。永。為。常。祀。嗚。呼。瑯。琊。王。業。不。用。

徹言桐栢神宮仍無噲等可理易楹栢侑進鼓鐘
稱其俊軌况我緬思主者施行

前題

徐孚遠

綱紀蓋聞尚想英烈撫迹緬然輟食興嘆式瞻斯
在淮陰侯挺邁上之妙才投特起之天際彪闕如
雲指顧作氣筭畧淵邈高下在心帝劉之業一人
而已及其表茲東海掩耳三分跨割青社便謂終
焉至于破檻就侯徘徊朝列甘心末規卽事難望
然而卑辭繫組連宗殲殄遂使英主太息謀夫請

烹斯則枉橫兼常悼慨自昔者也雖配食漢廟有
 異蕭曹而秦憐杜郵楚悲江介遺宮枕淮瞻企風
 規停想彌深但棟宇頽脫神貌悽愴邈而無依情
 寄焉託夫環綿表會猜往哀來身沒祀存有功則
 舉主者如教以時修飾

前題

李 燮

夫懷奇眇代事同朽駿沉英絕羅挹其遺景淮陰
 侯發跡颯厲運畧通廣游刃群雄漢鼎用寔寢戈
 鎬於已疲棲謀士之傾辨逸奇恢大鬱為功首既

而躡足之躉遂深解衣之恩難恃狙縛挫壯羞其
 比肩丹夷橫施胤絕氓隸功謗相準良云大酷然
 而鼎劍滔忍截其武強英燄式憑遂司幽契春惟
 古烈渺矣悠哉昔信陵魁俠置戶魏都董卓厲鬼
 肆食涼域况此駿雄乃鄰豐草當今獵敵之思動
 梓徒嘆鑿凶之寄聽輦輒警方將吊白起於杜郵
 享蒙恬于北塞而縹緲淮汾殆同小鬼求之祀典
 不其赧而嗚呼雲夢載車封侯亦偶胎簪綿祀如
 帶常留可弘其榱棟新厥丹堊副吾逃思高勲式

仰主者施行

前題

顧開雍

綱紀夫鴻功在器輔光彌遠昔猷緬邈傍嗣增懷
 淮陰侯投力傾天圖隙武世智邁英思挺皆不戰
 體魏上畧選則奇才固已擅周牙而韜猛契齊吾
 以發機矣泊乎踰濟銷風浮江靜土光皇自帝徒
 步假王則有道極人臣義淵國禮者焉原夫三分
 搖足之年雲夢流離之日神人悼嘆功業無名茅
 土歇靈于舊楚神貌存英于綿祀尙想遺風永聆

衰痛何可使哀湍在道壞雨棲楹恭敬墜夷莫此
 爲甚夫毀祠禁淫不赦重瞳報怨傾危未遺忍詢
 便可以時修舉崇大棟橈用使漢室戎功昭列淮
 浦日月報嘗自茲日始主者施行

前題

彭賓

蓋聞帝開翼亮丕著青彛前蹟邈焉後懷彌邵淮
 陰侯風颺落落鮮所契本遐邁龕危羞安杖順當
 其頓辱不聊猶無難色斯夷觸險塞驅扇在握也
 若夫隙機作執任謀成律兵法無羈虔劉城邑覽

其英畧可曰少。雙然而志遂。假王身。賸偽遊。功斯烈矣。禍亦酷云。嗟乎。躑躅懸命之年。天物托手。感懷。餓隸之日。淮水濁流。即杜郵之慘。瘁堪怜。况漢代之衣冠。同盡。忍使丹楹鼠穴。俎豆塵封。悲遺植於松楸。哀餘魂乎墓草。可蠲潔修治。用葺舊廡。致薦以時。毋廢祀典。

前題

宋存標

綱紀夫論功先世。拱木垂榮。興感前賢。丹楹勿替。淮陰侯奮跡爲勇。屈伸從時。忍耻圖功。艱貞彌烈。

泥蟠未際。澤婦資身。風雲漸躋。手臣推轂。壇上決策。助赤帝之元勳。關外分符。興應龍之神運。固使喑啞失雄。縱橫退策。庶幾邁功。秉鉞踵德。奉水者矣。若乃變幟亂容。沉沙塞渡。驅不教之兵。行無師之智。解縛懷賢。魏降而趙收。民譽奉書。馳響燕下。而齊無堅城。尤天縱竒謀。亮工有造者也。雖假王之請隙。啓帝心。紹賀之謀。毒罹后。阱鐘鳴。長樂怒。飛淮水。弓藏雲夢。響咽驚飈。頓使穀荒。履鮫成孺子之名。風起雲飛。遣猛士之慨。其尚伐石投誠。招

魂舊恨。聖金飾聽。鼓舞新觀。無令榛莽丘墟。橫碑
 野草頽垣。燐火餒鬼。寒烟漢祠。何存愧報功之負
 義雄姿不棄。壯偉志之流裡。主者施行。鳩工罔怠。
 表

七夕戲上天孫表

陳子龍

陳子立意孤矯。無所歡滯。雖迹異東家。而貞同柳
 下。遇夫才人。致士嘆艷。誇妍見贈。綺之眇娛。觀遺
 簪之淪約。未嘗不沉然寡笑。介爾揚詩者也。其友
 徐子儒家者流也。疑陳子性不及情。行與相類。陳

子謝不願。因曰。予有深嗜。隱者有年。當夫春攄曉
 暘。秋迷幽翠。觸蘭茗之蕙質。披星雲之麗文。萬緒
 橫出力窮。閑杜矣。有人如此。亦可微動。時當七夕。
 相傳天孫。以是日嬪于河鼓。戲為表以告之。証前
 執徵後尚也。并以謝徐子。
 臣聞麗精之極。天人同心。感協之符。幽靈所託。故
 道非太上途。假歡愁理。絕人區情。如禮俗。是以江
 臯小佩。尚解人間。巫嶺閒雲。猶書玉夢。况微生之
 眇質。敢獨立以為期。未有抱懷舒妙。履近木迂。展

息幽通道。繇枯滅者也。伏惟天孫紫落。至精澄河。
 冲體揚夜。姿於寥廓。矯逸心于靜明。而猶托降星。
 期綠情秋。諾結西壻之靈配。臨北渚之神橋。此乃
 高瞻澹選。不賣塵雙。遠允真棲。難恣曼御。已是以
 漸臺撫恨。昭潔華年。鴛杼停文。憑歡天步。斯清娛
 之上景。玄情之極邈也。臣觀世人多營鄙樂。伐腫
 株於下壑。徒詫遙英。觸腥氣於鮑家。已誇珍腴。畧
 彼妍辭。徇其穢逐。齷齪昏寢。質即是窈。心橫目射。聲
 便為巧笑。觀其荒厭。無異光華。獨臣孤懷。未嘗效

寄尋芳野甸。每遇蒿蓬。流眄名家。難雕琬琰。故嘗
 默默素外。寂寂凝中。秉義則章華大夫。居貞則魯
 國男子。然當綺風之扇地。或修娥之耀天。未嘗不
 憑來景。以握烟期。激新章而息月。約薦心空。影不
 見羈鸞。屬夢層雲。多逢斷鵲。始信鍾情之士。未登
 冥道之途也。天孫光度清都。經緯天闕。或賜臣上
 元之寶籙。中黃之秘篇。去此骨滛。靡與天欲。遐思
 并釋綺語。頓忘若以靈修。仙契本許。傷心玉質。蘭
 懷無妨。留意亦當。使竒姿投素瓌。體宛來牽。搖曳

於淵文鬪芬芳。于逸調亦人間。之至茂。宿心之傾。尚也。毋令瑤城竦峙。揚翠水而如天。月殿高涼。搗玄霜而長夜。則曠慕彌深。馨香獨抱矣。

前題

朱 灝

臣聞王姑下降。先解赤轡之裝。青女司權。自成白藏之候。時稱同道。功作合符。景既為澄。節亦名綺。伏惟天孫組織。輪光黼黻。靈化稟泰元而發彩。耦媪神以駢奇。絳河浣連貝之章。金漢次編珠之製。華張玄闕。繡刺清都。處遠紅雲之居。游出白榆之

外。茲逢離鏡初合。望鈞乍斜。鵲成梁而啓晶簾。石空杼而開瑤戶。絳綵練白容裔。查青玉箱。從載瓊珮。垂蕤騁鸞軾。于天街逶迤。九轉棄龍梭。于別渚未報七襄。烟袂時開。覺商風之甫會。霞裳既曳。知大火之初流。百和自滿。虹橋七寶。復光雲路。粧燃貝殿。纈幔琳庭。龍燭舒文。長照金壺之夜。鳳簪施耀。分映珠闕之顏。麗景已傳。色絲遊光。更依玉柱。鶉尾修而堪發。軼兔日明。而晃浮潢。霧席薦重。星靨勺次。織停霜緯。步動月輪。未斷蘭膏。上懸長命。

之。絡。遄。歸。驚。駟。重。理。合。錦。之。機。臣。刺。心。非。繡。木。腸。
 乏。華。乞。靈。化。工。斷。摧。世。綺。所。異。機。杼。自。出。勿。集。碎。
 錦。之。文。經。緯。別。操。能。同。迷。日。之。色。玄。黃。在。手。璇。璣。
 吐。胸。河。鼓。鳴。其。聲。聞。天。津。濯。乎。息。縷。謹。設。祠。奉。表。
 上。進。

檄

擬軍府檄諭登海反者

陳子龍

國。家。於。爾。恩。甚。厚。戍。海。上。甚。安。東。征。甚。無。功。今。所。
 為。甚。背。不。即。歸。司。寇。暴。縮。山。海。間。甚。困。皇。帝。勿。

忍。遽。誅。假。命。網。鳥。俟。爾。為。計。夫。鼓。行。乘。傳。繹。糧。溢。
 漿。容。與。安。進。不。見。敵。而。返。歌。嘯。歸。休。何。所。患。苦。擅。
 掠。原。野。入。城。邑。屠。富。民。殺。長。吏。囚。逐。節。鎮。僭。被。章。
 服。反。形。已。具。將。率。之。罪。不。勝。誅。于。法。同。惡。舉。軍。戮。
 皇。帝。猶。念。爾。眾。迷。惑。失。志。牽。於。猾。帥。脅。從。非。本。
 心。有。意。賜。爾。生。重。念。爾。遼。士。逆。胡。犯。節。家。室。俎。醢。
 焚。居。戮。拏。而。爾。乃。越。荆。蹈。海。歸。命。本。朝。國。家。雅。察。
 其。志。厝。之。樂。土。寵。為。義。卒。尚。欲。資。其。家。憤。奮。心。狂。
 胡。是。爾。於。國。家。為。險。阻。之。臣。國。家。于。爾。有。德。音。之。

勗也。一旦忿發微動。喪智極凶。舉無名之兵。玩不
 測之罪。幕府重為爾惜。幸皇帝寬仁。勅將士緩
 收。爾雖闇昧。豈尚罔死所。獨以身蒙大惡。知無免
 理。不能歸死耶。昔漢高至仇暴也。許田橫以侯王。
 光武於朱鮪仇也。釋而用之。自古帝王行大度之
 事。非爾輩所知也。反者謂爾曰。我居四戰之國。進
 則伺隙而動。一旦事急。我駕樓船。接群島。頃刻千
 里。莫我何也。更鬱鬱東走。胡為導。即今日往。明日
 富貴矣。是重誑爾也。山東承平久。向者不設備。故

為爾破。今兩府銳士集青濟。民兵百萬。林立能戰
 來耳。管島兵羈泊。仰食縣官。時時困絕。叫呼不聊。
 夫風濤龍螭。非人力所制。今爾欲專尊為盜。于中
 餓魂流離。填盈魚腸。顧自快歟。且爾祖父為虜。腊
 脯矣。妻子入穹廬矣。爾其餘耳。當其來時。頭如蒿
 莉。面若焦木。墮指折臂。不復狀人。國家以爾厲憤
 激昂。洗除至痛。今逍遙數年矣。上之不能破軍。摧
 敵。建方面之勲。下之不能懷。亦挾策報傷心之怨。
 化為殘賊。負恩絕物。甘陷讐敵。投身賤虜。何自棄

乎且爾以降虜利也虜性兇猜不念親戚虐物獸
 心○管○漁○陽○叛○人○望○風○投○誠○親○獻○都○邑○悉○心○導○逆○功
 至○渥○也○彼○將○以○分○之○畜○牧○禪○號○名○王○曾○不○旋○踵○手
 自○誅○戮○或○委○之○而○去○邊○將○獲○之○受○國○上○賞○固○知○叛
 人○自○負○惡○名○就○虜○誅○耳○况○爾○於○虜○無○尺○寸○之○功○有
 丘○山○之○疑○窮○而○歸○之○非○重○也○昔○貳○於○虜○非○信○也○挾
 數○十○萬○金○錢○抵○岸○即○何○得○非○虜○物○乎○非○大○利○也○適
 足○以○死○爾○道○窮○矣○禍○福○明○甚○且○爾○見○曩○者○為○逆○何
 人○得○全○河○西○殞○將○肉○卒○刺○心○秦○晉○劇○盜○頭○行○萬○里

閩○海○亂○者○徒○與○吞○噬○屍○漂○狂○波○人○知○不○敢○動○獨○爾
 欲○為○續○耳○其○速○自○為○計○勿○為○一○夫○殉○生○為○逆○徒○死
 謚○愚○鬼○今○與○爾○約○拔○身○來○歸○者○赦○所○犯○與○更○始○有
 能○斬○反○者○首○以○獻○爵○之○朝○幕○府○不○食○言○後○不○復○有
 言

前題

徐孚遠

幕府告諭登兵反者為計不詳干犯嚴誅抵罪之
 日不久屬者虜絕新城濟師不力幸得蒙恩罷歸
 供待優贍所湏無不畢給不能約勅兵至如寇遂

乃驚遽過所。劫殺長吏。潛師襲鎮城。迫逐守臣。擁兵不請。乃欲爲非法者。甚悖爾衆。故遼之逋民也。虜大入遼。不能守墳墓。轉死流移。甚可哀傷。陛下憫念失業。命使者持節招慰。又念爾衆敗氣。不復不能披翦荆棘。創立軍府。徙爾累重。置之善地。立宅收孥。皆仰縣官。登雄鎮也。邑藏萬家。東郡陸海。資其饒沃。人有齎裝。德至厚也。陛下以遼人邊地。習戰有數世之怨於虜。擇材官勝兵之士數千人。授以甲編之卒。伍爲一軍。蒸糧厚賜。國豈有

負也。誠當奔命死節。不反顧以謝。陛下凌河之役。關輔之師雲集。焱逝豈假偏卒。而後濟哉。徒恐雄帥奮威。誅夷滅類。爾衆隔絕內地。無分寸功。以報父兄之積耻也。故隸爾衆於東師。爾衆怯懦。無方畧。不彎一弓。不折一鏃。遷延入關。猶復作氣倚強。睥睨平民。邀求非據。小不如意。恣行不逞。幕府省覽。所被文書。罪至深重。皆非國典所當除宥者也。陛下寬大。不樂成人過失。哀憐遼民。甚久。知近者倉卒迫脅。非有積釁。徒惧法怯死。以致失圖。

加以不才軍吏。教訓無素。樂禍倖變。詿誤爾衆。坐受夷滅。誠可傷痛。又聞所得文武吏士。皆善遇無害。移書陳誠。觸首擊地。益明非有惡心。幕府統率熊羆之士。龍驤虎厲。于此青齊義勇。天下稱強。海島舟師。制其奔逸。決策電掩。有不摧滅者哉。誠欲安輯而已。不求奇功。若能捕斬首事。成師乞降。即除所坐。比捕斬反者。功或束身歸罪。即與放免。仍錄置伍。非常之恩。不可數得。若躊躕不斷。庭議決。不自歸制。詔不得受。身為鯨鯢。妻子

連誅。後悔不追。其詳息無忽。

擬滇撫討普酋檄文

徐孚遠

蓋聞域分周世。華陽有益地之。曷吏設漢年。若水表過日之道。蒼山作鎮。點翠南中。洱海環流。涌珠西葉。我大明之御。奄宇也。兩軍授律。雙江遂通。十旬入滇。五尺無壅。豈但飛鳶墮水。虛映銅柱之隣。雲鳳集峰。徒置玉局之陣。固已白人一族。書名王會之編。炎州小波。環流太池之液。清平曳杖。朝看赤藤之來。蠻子渡橋。夕泛皮船。以上封蛇岐尾。

蛇。蜒。息。鈎。岸。之。鋒。雄。虺。九。頭。風。雨。撒。吹。沙。之。毒。疆。
 隅。清。蕩。二。百。餘。年。送。賊。普。名。聲。者。惡。雖。盈。貫。種。實。
 卑。微。一。嶂。是。居。異。沉。木。之。貴。族。百。人。為。部。非。浮。竹。
 之。寵。王。加。以。罪。人。之。子。矜。而。弗。誅。責。其。力。用。還。之。
 故。落。然。而。狼。心。難。畜。長。便。齧。人。鷹。性。不。馴。飽。則。颺。
 去。地。接。鈎。町。常。息。刻。木。而。射。漢。俗。染。盤。瓠。即。欲。長。
 喙。以。吹。堯。馬。龍。之。後。受。事。行。間。遂。乃。因。緣。黨。人。叨。
 竊。國。寵。上。功。幕。府。曾。微。汗。馬。之。勞。開。賞。專。城。彌。有。
 翼。虎。之。勢。遂。使。九。隆。舊。服。耻。與。會。盟。百。濮。遺。人。羞。

言。冠。帶。不。息。量。已。以。榮。為。憂。謂。國。無。人。即。事。成。釁。
 負。其。犬。羊。之。力。畜。以。蛟。龍。之。池。闌。出。財。物。以。擅。無。
 名。收。召。逋。亡。增。其。翼。足。如。雲。之。鍾。略。地。者。盈。千。聚。
 雷。之。徒。勝。軍。者。滿。萬。劫。畧。四。出。編。于。激。廣。之。間。保。
 聚。三。垂。亘。以。沅。臨。之。郡。蠶。食。諸。夷。擱。然。不。請。梟。視。
 漢。土。倖。我。多。虞。露。刃。而。對。勅。使。如。坐。山。頭。畫。步。而。
 擬。巖。城。似。行。平。掌。馬。者。之。沒。田。方。此。非。劇。宛。王。之。
 留。馬。曾。何。足。云。是。而。可。忍。孰。不。可。容。管。者。衛。辰。餘。
 種。方。亂。關。中。禿。髮。遺。孤。即。擾。河。右。尋。斧。不。斷。叩。囊。

曷追。况今鬼區擴定。南服晏然。繕我壯師。以臨小醜。飛走之路。遂絕。指臂之援。已窮。去五月十七日。巡撫都御史王。征南將軍黔國公沐。監軍御史趙。悉發蕃漢之師。視以順逆之效。作氣摧城。則山岳自隕。長呼入陣。則雲霧爲飛。蝟戟而剗骨。都之頭。生難歸。帳流矢以射。郅支之鼻死。即懸街。然猶廣開形勢。故綏嚴誅。使其悔禍來歸。我則舍垢。何有賊。猶不悛。游魂假氣。鼠在窠穴。強爲車馬之容。魚入釜中。方有江湖之望。率其百心之侶。難得人和。

據其指掌之畧。自謂我大。豕突爲勇。蟻聚實繁。蔓而不除。文焉可告。幕府早承方畧。肅稟天威。金鼓震于玉几。聞者知亡。旌旆轉于坤山。見之動色。固已人百其氣。滅此崇朝。况乃蒙段見凌。沙祿懷侮。徵軍給食。如報私讐。束馬投驅。還成敵國。豈惟桂林象陣。直用摧鋒。建水鹿圍。偏能觸賊。放丸峻坂。不勞轉石之勤。振卵危巢。寧假拔山之力。一戰而定。今也其時。士官游擊某某。士官某某。士舍某某。漢兵游擊某某。虎豹營兵守備某某。沐鎮莊兵游

擊某某臨沅叅將某等躍景追風之騎撼山蔽野
之師平樂之步兵射皆穿札會稽之死士劍即斷
喉各鼓餘勇俱據便地或進鄧耳或襲布部或入
拐旬或邀大莊架衣矣堵俱成京觀之塲魯句三
橋方置將軍之幕下黔中之甲攻斗大之城轉荆
江之饒圍四絕之寇此而逋誅以何纍鼓逆黨晏
龍廷何天衢賊之爪牙心膂是寄今龍廷繫頸天
衢革面替者雍奴斬文高平即下常侍獲祐蔡功
乃成凶人翦焉無與同惡計其崩壞昭然可知徒

欲遷延日月以幾時變不知在網之鱗倔強不活
已困而鬪所傷實多將見頭行萬里烏丸之席常
寒骨專一車蚩尤之冢難卜智高竄處即築文廣
之城孟獲擒時徒有銀坑之寨况乎野掠路窮曲
赦難待木麵作酪常啼廩君之魂泥餅雖香不飽
熨婦之腹事勢如此內潰將生帳中親信本非燕
趙之豪蠻族生平寧有妻子之託罪止一姓構以
萬金若能斬捕以降即同首功之賞成敗不疑自
求多福倘逆賊普名聲迷而知悔天誘其衷籍所

畜交銳。滇馬一一輪官。所僭立城堡。應時毀墮。然後面縛。請命待罪。闕廷幕府。依詔旨受章。恕十死。檄到旦旦不渝。咸共申省。

啓

謝賚古鏡熏籠啓

宋存標

繡囊開影。霜月晨飛。玉帳焚膏。春寒宵歇。奩中勝賞。幄裡清權。雲破蟾窓。來白鳳烟。侵翡翠竹。暈紅潮。淬以清泉。即有星辰之狀。燃之奇木。非無龍鳳之形。彈冠自譽。其麗姿入夢。猶憐其香氣。夜埋

石鏡徒傷掩月之懷。朝拂山鑪。彌愧非烟之質。

前題

徐孚遠

光分菱影。製重蘭支。規寸却月。織縷迴風。對朱鳥之窓。方安睂黛。入青牛之帳。還驚體香。字刻千年。即能壓魅。花散五色。當用浮烟。某散髮行歌。無心雕飾。襪被高卧。不知勁嚴。何意思賜。曲來假以殊麗。聲鳴匣中。時聞清嘯。香濃袖裏。常見凌霞。塗以玉膏。必使龍文直繞。懷之珠被。即令麝火宵含。持作何步。則瘦面復光。擬過袁門。則凋節更煖。

前題

陳子龍

鎖麗清朝繡囊乾影歇芳玄夜黼帳消烟牕未解
 於承花被難温而帖玉巫神夢月石照粧樓江妾
 懷香鑪巍浣瀨未有土花蝕斷光積嬌魂縹節嬋
 娟噐含芬澤臺增碧玉牀伴鬱金明靜盤龍釣蟾
 蜍於秋落神寒餐鳳籠鴛鴦之夜焚小顰入而菱
 愁殘燼飛而竹潤画眉刷翠頗見初歡倚袖垂紅
 時迷薄醉幸非神鵲剖半面而難飛本愧蘭膏捲
 三年而不寤

前題

朱灝

引致貯光懷摩秋水紛連接縷肌織春烟繡花不
 謝玉窻冷竹時棲熱鳥虬盤沐照映五色之衣魂
 象鬪凝脂亂衆山之香脉新朝通潤看柳怯于舊
 絲今夕淹氲駕被試其初浴暈開粉地悵望故痕
 裊繞火城淒迷新夢絕粧心事署不濯之水壺湘
 簾氣虛温甫搏之雪魄幽菱奩種蒂瘦勻霞弱節
 牀支嬋迴霏霧靜意早通乎青鵲縈芳徐噴于綠
 龍

前題

顧開雍

非勞白月之形微通光景遂避青霜之影曲疊斜
 行石出剛天烟還拂腕名花不落蓋火能紅晨華
 照夢慚吐珊瑚夕煖承羅羞温翡翠妾子内減含
 珠謂瑩塵土體違娟玉與被香氲望戶拒蘭留朝
 雲于半面銷帷罷篆冷夜鸞于一山理恨青來疑
 峰礙雨支歡黃度湘節捲秋看去救樓雀飛迢遶
 之水鎖寒竹院鳳起鹽瓏之臺

禪文

鵲彈鶴文

徐孚遠

游擊將軍假御史中丞攝行臺事臣俊言臣聞國
 寶無用則華士克朝上獎虛浮則天工其曠是以
 聞人疑衆尼父嚴誅來敏亂邦諸葛太息事同螯
 手有異吹毛中散大夫建章宮監凌霄公禽臯托
 懷漫誕縱心險放本無六翮之姿棲寄一丘之外
 詭情間遠涉迹清流故使士衡虛襟長其光價羊
 公拊掌置之坐隅遂乃因緣華省倚藉當塗佩以
 金衣方作儀於近掖糜以潭粟屢分囊於大官乘

軒之榮禮同衛日浴血之報事絕周年聖恩逾涯
 過存齒錄小人多幸不知所裁加以高下在心睥
 睨人物嚙啗之口不可聽聞歸正人上林丞燕督
 魚梁知雜務麻秋雖過江差晚本異荒塗即日以
 事暫入尚書省會食門下禽臯自以居中久次聲
 望猥高遂迺據茵推案深懷疾憎顧叱忿詬言無
 齊限灌夫罵坐吳質斫席朝議等之市人有識以
 為官謗臣於時便欲露章啓聞緣國憲弘貸耻以
 飲食錮人抑而不舉臣又聞禽臯外托誕曠內懷

穢鄙逞其長喙盈此饕心飲水之風徒聞前志却
 魚之節有媿管賢又假稱青田倉粟係臯食料私
 發萬石有奇臣頃攝倉督比較皆有左驗臣聞延
 年挾詐聞鼓殿刀孝徵乾沒應時受杖此而可忍
 何以執憲謹案中散大夫建章官監凌霄公禽臯
 菀業無取叨竊非榮濯飾羽毛接待天宇矜其一
 鳴以為擅絕左顧右盼意氣如雲醜疾之聲盈於
 朝野在公夙夜殊不關懷此風不除實恐有扇醇
 和長茲淄蠹臣聞天威在顏無禮必斥而禽臯至

乃散髮緩步。矜其姿制。疾言凌遽。有徹宸嚴。屢舞
 婆娑。不聞過闕之敬。高卧偃仰。殊無警露之心。豈
 直嗣宗清狂。見譏禮法。文舉踈放。增其詆訶者哉。
 臣聞黃散為士人之華選。侍中實清朝之峻秩。而
 禽臯居常快快。性復憚憚。入直栖遲。多懷怨氣。在
 事指斥不諱。君親非有路粹顯奏之效。實懼會宗
 阿隱之誅。今秋律已嚴。鷲鳥將擊。臣謹以劾。請以
 見事免禽臯所居官。收付廷尉法獄治事。其在官
 贓汙及擅發公儲。別攝治書侍御史。依狀條勘。臣

誠惶誠恐死罪以聞

章

擬沈休文上赤章文

徐孚遠

特進左光祿大夫侍中太子少傅建昌縣侯下土
 臣約稽首頓首拜章死罪死罪。臣聞五勝迭代。不
 禦時來。帝者開圖。道非一迹。若乃當塗繼漢。高擬
 受終。自是以還。遂為準則。雖復黃鉞斷頭。素車繫
 頸。猶待斟酌。郊壇經營。別邸用此。樂推以慰。人言
 是以屬草之勲。有同汗馬。原夫精華已竭。蛟龍出

泉。統。天。御。籙。初。不。由。此。也。臣。約。建。義。之。始。不。與。王。
 師。弘。策。瞻。星。之。歲。僧。珍。裝。艦。之。時。毛。偃。艱。難。蕭。曹。
 親。信。臣。實。何。人。敢。饗。斯。賞。至。於。京。邑。清。蕩。開。府。搜。
 揚。臣。乃。始。自。勣。僚。符。參。幃。幄。據。岳。之。勢。有。識。不。謀。
 攀。翼。之。心。實。同。衆。望。以。臣。粗。曉。故。事。撰。草。壽。光。雖。
 成。業。之。嘆。有。慙。弘。獎。而。開。塞。之。議。了。不。關。臣。臣。約。
 今。者。氣。息。危。憊。得。於。妖。夢。乃。云。齊。氏。末。命。爲。厲。于。
 臣。若。以。此。獲。戾。臣。約。不。能。無。言。何。者。對。揚。揖。讓。以。
 贊。維。新。前。哲。芳。規。非。我。慙。德。是。以。元。茂。逸。才。有。光。

九。錫。之。詔。嗣。宗。雅。望。無。損。勸。進。之。文。若。謂。英。辭。淵。
 粹。假。手。無。人。公。出。臣。筆。霸。朝。始。建。殆。又。不。然。任。記。
 室。同。府。之。舊。范。僕。射。明。瞻。濟。時。耳。濡。目。染。咸。能。綴。
 屬。風。雲。豈。臣。此。製。獨。掩。一。代。巴。陵。王。地。非。與。主。徒。
 以。計。立。雖。開。端。門。未。瞻。天。闕。不。坐。不。預。於。約。何。有。
 豈。得。比。于。成。君。責。人。二。心。至。於。高。武。子。孫。誰。實。盡。
 之。建。武。有。後。其。爲。天。道。臣。約。少。長。惠。文。之。館。不。無。
 便。蕃。之。遇。臣。之。所。守。無。負。幽。明。迹。則。推。枯。義。同。吞。
 炭。若。乃。姑。孰。之。議。發。自。臣。約。斯。則。上。德。不。德。出。于。

權道誅劉必盡用絕人望。勿生王家自昔嘆之。汝
陰之事。即是殷監。既以此始。必以此終。而臣獨何
辜。邁斯綿酷。臣約矢志荒瞽。不知所言。

幾社壬申合稿卷之十八

華亭徐鳳彩 盛翼進

揚 肅全選

書

為陳皇后謝武帝書

皇后既得司馬相如長門賦後召幸作書

謝上云云

周立勳

妾無狀。幸以肺腑之親。備位掃除。托體聖躬。華寵
無比。愚慢驕惑。罔知諱忌。過誤巫祝。自干大禁。致
蒙詔記。廢棄長門。私自憐念。無可言者。與至尊曠

絕故意莫省。誠欲畢其歡心。何由見察乎。陛下蕩
捐深戾。修錄微歡。使別居愁悶之人。仰觀天光。不
即誅放。薦承餘澤。此豈妾之貞款。足適主心。良因
陛下宏覆。恢恢難失人理。致妾薄命。始有所訴耳。
不然。妾自居椒房以來。後宮無出妾上者。陛下幸
存妾勢。又足固不以此時終繾綣之好。忘其淄蠹。
輕奪重恩。遂無相見。長閑別宮。容質銷落。豈若新
寵易美。足羈驪狎哉。而陛下傾隆遇。廓專愛。妾雖
常貴不自意。至此夫美俠如馳。非時而委。或以動

人主之惻思。未有情移事見。怨垢積中。加恩于已。
絕如陛下之誠德者也。妾在寢寐。誠所希及。惟當
刻心抑性。勉耀薄軀。以終陛下之德。陛下憐之而
已。

前題

李 雯

臣妾愚稚。薄軀幸自兒童。結體陛下。過謬之恩。施
於善謔。陛下旣布大喜。賤妾居非所任。加以釋志
蔽惑。習寵忘下。執深一之顛思。不安菲陋。醮神想
福。乃干至法。當伏暴室之誅。以爲慢愚之戒。陛下

猶顧曩好。念其不他。僅得廢退。待罪長門。臣妾少
長掖庭。未習涼慘。竊憐今罪深積。陛下于妾已矣。
不及貴盛時。厚自修飾。係留天盼。及今豈有望乎。
陛下幸能自恕。恐他有所不聽。煢煢之懷。深自痛
悼。不意陛下捐鑠金之往。釁念纖微之小意。奪接
狎之餘煖。溫廢曠之荒質。落星回天。光猶驚睽。然
日月之惠。被體已滿。陛下盛德追其往。驩在于妾。
身何異新寵。倘佳顏可留。敢不益自芳澤。用承衾
裯。若陛下此心匪石。則長門之殿。乃賤妾蒙恩之

地也。伏願陛下愛養玉體。節省萬幾。使區區之心
有以自慰。飾鄙忱詞。猶倚所恃耳。

擬山巨源答嵇叔夜絕交書 陳子龍

濤白足下。蓋聞達人不矯物以矜俗。明士不懷文
而託晦。是以無法之地。不可久居。有意之放。謂之
遠道。今吾子闕靈華於盛年。頓正性於清時。詳覽
來旨。自耽彌極。我實增懼。我雖鄙昧。不敢與足下
稱相知。竊私揣量。高致舉動。激雜不合一章。禮放
兼違。華實相戾。故欲托假朝命。匡拂逸情。引於通

廣使足下有所適耳。足下乃斷厲憎悼，如避污穢。詬僕爲不相知，假令僕誠不知足下方將以足下爲世外閒逸，優游樂豫，永絕區累，玩心澹無，乃古之高士，豈復相強以事相加，以榮耶？僕乃知足下於此殊矣。足下又動云老子、莊周、許由、接輿之流，又非足下所當託也。之數子者，或履隆化之期，或當闇紛之世，混混同世人，去古之忘名者一輩耳。今吾子少婚貴族，長仕本朝，博負雋名，宿擅學問，兼以交遊清拔，聲譽流溢，負過實之望，互倚矜趨。

疾人立尚，寄跡不倫，脫宕沉矯，人皆莫測。自古以來，陋巷之中，濁酒之側，豈有此等人哉？僕觀近世亦有立德不固，疾聲撼物，究其修止，莫不自謂寓機玄簡，安情冲蕩，世尤憎其所爲，固大遠其本志。足下不嘗聞之乎？僕又聞當塗之士，逆心於異物，趨功之彥，觸疑於別立，足下之所爲，僻隱誕躁，當有病狂之棄，而浮慕日繁，延馳尤遐。足下自視，豈能謂不復異人耶？足下縱欲以此解適，老矣天下，頗信之耶？夫能言之鳥，紺翠之禽，能入乎深。

山絕巖則歛音縮綵若寄居樊中猶安食無患若
炫色市屋弄音闐巷雖不爲鷲鷹所擊童子所殘
不可得也今我子不幸備有聲色又遠壑巖復不
速就羈畜便欲何所爲耶遠觀東方柳下不鄙小
官近即嗣宗已受名爵皆足下所悅與也獨自拂
塞何所怨對其于今古之人竟欲進孰比倫乎足
下又言性喜老莊重增其放僕又不敢信夫和世
諧俗因應於適然周物無累入機不疑莊氏之教
也至於荒渺遺棄乃其餘耳今足下抱寄言之浮

娛夫中秉之至要未可謂之已得也足下又謂不
識機宜慢於人情是誠有之至于性急佚晏意近
散暇苦見塵埃惡習貴遊恐縲身人間舉名朝士
便絕不羈之樂束忘慮之冥又非僕推舉之意也
當今皇塗疏直穆穆布列大德競登一材畢獻豈
復有未備之章侯足下之宣力乎但足下親際文
明過爲拙傲非隱非顯不廢不興將別途於人羣
變俗於盛世何得不見他意又行此乎僕欲足下
一出耳而足下乃疑僕欲變人心性改置其素與

共濟物不亦迂哉。雖我子放浪過管，恣激繇常披髮朝門，小遺殿上，不失通隱之致耳。不愈昂舉野外，扇發孤踪，以道生累，踏空樹名哉。足下念之矣。且足下雅好神仙，怡情年壽，抑僕聞之，冥會宿符，以証天適，遠名避瑜，用斷人患，覽諸記傳，并合見聞，必無忤物之幽靈觸害之服食也。足下其反覆鄙意，非欲致所難苦極心志，保壽命之道備矣。諒悉高懷，翻然不滯。山濤白。

前題

周立勳

濤曰：曩者尋書見絕詞旨切深，反覆省覽，豁然增曠。僕雖愚暮，豈不知足下遐情高厲，終不可強哉。而足下謂僕不相知，然足下亦非能自知者也。故略爲足下陳其槩。古之至人，沈聲汗跡，棲遁巖穴，稍見推許，投淵負石，豈不自愛。夫亦以絕俗爲忤。世之期高名，終見累耳。必欲放廢爲功，全身遠害者，則當挫削意氣，毀辱形骸，世不有其人。然後高舉遐蹈，免於禍患也。足下自視何如哉。負性濶岸，聲譽振爽，固已爲物流所歸，而一致傲俗，誕漫難

羈未與世絕而隆氣加人徒為世所不堪耳足下
 得無慮乎達木敗於高風峭岸頽于激水亦各所
 致然也足下受婚宗室擅龍鳳之章姿久矣一旦
 放意音聲埋迹鍛鍊絕酬對於人間誰復以足下
 為通靜無意于天地之中者乎夫懷奇失遇隱志
 俟時其事至感奮然猶鼓刀以寓其術叩角而送
 其哀非有遠邁難居之名預見稱于當時也足下
 思辭榮祿益壽命而勝情抗行日聞不止故為狹
 促以重疑謫不審足下自處若何耶僕非羞其獨

割引足下為助也亦欲足下托身本朝銓次倫物
 知時俗之好惡未可徑遂耳足下奈何以潦倒麤
 疎便自棄也且足下師老莊常慕東方朔柳下惠
 之為人四子者或清淨無為托寄閒遠或遭遇
 頽流周旋末季豈不能逍遙泉石發世外之踪而
 栖遲下吏隱見全貞故樊籠無所馴其性網羅不
 為掛其機也此乃得志之極樂養生之善則耳足
 下視同拘繫等之臭腐甘不材之年守妄動之戒
 謂可與世相忘僕未見其然也夫神龜入網不能

免。解。割。之。苦。者。豈。其。夢。不。入。于。宋。君。亦。知。其。神。而。以。爲。不。可。縱。耳。足。下。行。事。毋。乃。類。是。乎。足。下。語。我。以。七。不。堪。此。皆。細。務。不。足。慮。在。自。抑。耳。凡。人。何。常。聖。賢。不。却。憂。患。安。在。肆。志。乃。爲。適。哉。至。所。云。非。薄。湯。武。詆。譏。周。孔。疾。惡。過。剛。以。此。二。者。難。辭。疵。釁。又。非。所。恐。也。當。今。之。世。大。抵。冲。蕩。爲。風。未。必。禮。法。之。士。始。應。朝。選。也。若。使。臧。否。過。嚴。直。懷。觸。物。爲。時。所。擯。于。足。下。初。心。又。何。負。哉。天。下。且。以。知。足。下。之。非。過。情。真。不。欲。枉。其。天。耳。不。然。擅。名。譽。之。宗。耽。魚。鳥。

之。玩。率。矜。躁。之。資。爲。草。野。之。性。足。下。雖。自。許。服。道。士。之。遺。言。餌。藥。安。真。與。世。之。榮。華。者。背。僕。恐。天。下。不。知。足。下。之。所。爲。增。其。駭。累。彈。琴。濁。酒。非。足。下。之。所。得。而。永。也。夫。名。利。之。機。淺。高。放。之。機。深。僕。豈。與。足。下。有。戾。哉。足。下。慎。之。而。已。

前題

徐孚遠

濤。白。自。僕。與。足。下。周。旋。寧。可。不。知。足。下。耶。前。議。舉。足。下。自。代。知。非。足。下。所。當。克。堪。僕。乃。於。此。不。無。小。意。足。下。都。不。察。其。旨。趣。也。僕。聞。保。性。不。貴。於。任。縱。

遠累不在於過絕。身安貞吉。識洞機鑒。則清濁之
間。便當放意俯仰。何得刺刺拘遊哉。且足下措心
散放。不接人事。自以遣外澹中。苟期得全。足下持
此。僕恐未必得全也。僕聞爰居不慕鍾鼓。而魯人
享之太牢。周鼎淪於深淵。武始爭欲出之。迹有所
羈。名有所求也。古者山棲巖遁之士。幸而得放。猶
復變易名字。汗辱自湛。卒然遇之。乃不別於常人。
然後能終其木石耳。或一爲世所指。羔鴈交至。所
在敦屈。卒當顛踣險越。不得安其處所也。足下自

度。何如昔賢哉。身不生。要家方于氣類。猶爲清門。
婚宦修立。又早藉時譽。爲通人所目。此於法不當。
作氣爲高也。必欲守高。便當決棄累重。棲蹈冥絕。
乃粗得自放耳。足下都不遣此。乃詭意自喜。事事
欲與人異。足下不堪。人人復可堪。足下耶。加以悴
貌不飾。接物簡倨。言議展盡。殆無齊限。不知足下
行已若爾。無心於世。更以足下內深難測。外爲穢
脫譏訶。萬端陰察。足下飾事增釁。豈止方內之士。
仇疾深至也。僕每於衆中。爲說足下非有大意。必

自欲倒易寒暑。但性不耐事。又淺不識物情耳。比欲有以處足下。不謂足下爲能。但欲足下小與人。事居通塞之間。共見足下。無殊異者。以解散其意。足下自云性不能勉強爲貴人。散服緩步。不省吏書。若爾者。彌復可也。僕豈欲足下拖被章服。據案呼吏省事。日日上勤考課耶。足下苟尸人爵。不以爲不榮。小有所坐。亦當逆見優饒。無大苦也。僕聞麋鹿在山。命懸庖厨。在近不必爲禍。在遠不必爲福。所得失均耳。往者柳下棲逸於卑官。東方俳遊

於詔署。適足保明澹寄耳。何足損其高致哉。足下徒見犧牛之害身。不知文雉之截尾也。事反覆寧可量。當和通安物。不必矯矯恃出人之姿。勁翮見彈。粹身見汗。足下多見事。自古持此自免者。可不謂難乎。文舉之於武皇。身不當事。引議激揚。始雖包容。卒以時忌。爲武皇所裁。近者正元之初。敗族連戮。於時名輩輻湊。咸皆自樹風軌。驅扇時彥。坐作聲望。不與執政同心。奄致禍敗。足下所目見也。阮嗣宗高蹤逸度。僕與足下夙所仰追。然爲鄙生

所繩若疾私仇。曩使與大將軍無一日之屬。讒者
工爲形容。身不爲大將軍所知。即何得保持之哉。
作人如嗣宗。亦無負於高流矣。足下又欲過之。此
尤不可處。以足下韻致遐邁。寧當不共嘆企。莊生
有言。一而不反。當鞭其後。僕之勤勤爲足下針石
也。足下乃謂僕飾之以章甫哉。僕今者非好與足
下往復。恐足下不明其本心。故相爲道之。

前題

朱灝

濤白。伸函發紙。乃得良書。何搏辭之優澤。措志之

閑邁乎。然雲體高潔。猶能下以潤物。水貌直散。不
無折以因境。空濕之性。足以盡人之大凡。豈能自
遂也哉。夫龍神于起滯。鳳祥于振儀。或矯漢委壚。
不測興變。或卷晨舒夕。安然爲勢。未有薄天飛而
固耽潛泥。厭高岡而固戀深樾。是所蟠之無尺木。
所至之難千仞也。雖足下埋龍鳳之章。去其藻飾。
欲出羣象。不掛一世之人。思入玄寂。罔顧四海之
大。在饑虛者。目爲魁峙。猥庸者。驚爲垂舛。志局于
一識。難獨濟。吾之以爲尚矣。能齊子之所爲。第至

人應物。而無累于物。即遠人有性。而自然其性。以情隨理。胸懷無牖垣之隔。以才寓氣。寄尚有秦越之分。雖好有各從而歸。要其至焉。吾之舉足。下自代。豈以雄貴之姿。可動獨立之宇。驚急之任。投不損之地乎。特以人之立節。概名也。如草木遇礫。何以困奇。魚鳥逢空濶。以飛泳。若天喬無折。而怒生。即來斧斤之顧。鱗羽厭離。夫江天旋受。繒弋之加。與其抗跡。邈世駭震。末俗奚如。神謀騰異。貌類溷同。故昔人寄隱在市。避世在朝。似烟生于火。不鬱

上而得全。其滔波起于瀾。唯順下而能安。其達欲矯舉于遐幽之表。必恰適于思尋之內。機以準而善動。樞以轉而不窒。可出入塵鞅。無碍逍遙。較練神跡。自得從容。別羣有之錯綜。見與時之消息。存品物之流形。悟達化之盈縮。羅八垠而無出其玄。網蔭萬景。而不役其幽廓。積埃勿能滓潔。飄風何繇撼靜。居紛隳之室。智始通類。入勤孳之門。變窮連屬。故岳之峻而不危者。以衆望之所繫。瀆之流而不湮者。以衆通之所歸。白日察物。疑有好盡之

殞。以。旋。轉。之。勞。而。獲。安。明。鏡。持。照。自。無。鬻。矚。之。苦。以。摩。挲。之。力。而。更。瑩。縱。野。馬。之。微。尚。有。游。空。之。累。矧。以。七。尺。之。軀。寓。于。億。殊。之。域。僅。謂。土。木。之。持。其。愚。于。世。無。患。不。知。水。火。金。之。犯。其。鋒。于。質。立。毀。欲。免。五。行。之。災。須。爲。五。情。之。滅。然。勞。喜。固。易。傷。生。憤。佚。亦。足。損。性。則。非。業。有。不。聞。畧。有。不。展。無。膚。寸。之。悴。獲。丘。山。之。固。明。矣。且。足。下。以。老。莊。爲。師。二。子。安。于。柱。下。漆。園。未。聞。其。嫉。怨。交。知。雖。厭。薄。周。孔。呵。抑。仁。義。然。猶。崇。虛。尚。無。欲。悟。世。警。俗。惟。深。體。物。情。以。

成。達。識。未。有。強。絕。儕。從。自。名。燭。機。者。也。足。下。素。學。養。生。之。術。生。以。逆。全。死。以。順。蹈。躄。縱。逸。以。爲。常。無。神。明。以。爲。察。貪。寂。寞。之。樂。與。馳。榮。華。之。務。殊。途。而。同。癖。頽。其。耳。目。懈。其。肢。體。何。以。長。強。嗇。之。年。冲。恣。滯。之。舉。是。傲。散。不。能。遇。微。懶。慢。無。可。精。隱。舉。未。見。其。可。也。夫。琥。珀。拾。芥。磁。石。引。鍼。無。情。之。物。可。以。氣。從。况。稱。知。已。有。此。不。能。通。彼。涉。淺。無。繇。測。深。厚。自。媿。矣。雖。然。隙。駒。騁。馳。何。可。攀。援。惟。勉。修。于。密。戶。無。局。步。于。慵。途。孤。性。藏。其。露。宣。直。質。忍。其。紆。繞。即。不。

共登王塗。猶可同娛山澤。激耳之音。以開覆聽。

前題

王元玄

濤白。咏釋來旨。耽玩遺落。栖寄灰垢。仇怨懽善。屏
放身命。古人以降。殆獨有足下。僕乃以此等相難。
苦重累神明。良用慙悔。僕聞白鵠翔漢。下踐園沼。
沼有脩采。鵠無累情。若夫遠澤之鷺。耳駭鐘鼓。長
放洿瀦。華池清苑。曾不邀其步啄。未見鵠失而鷺
得也。足下以通儁之爽器。燁煒之名姿。天輔之美。
不能自離。譬猶女子。顏色姣好。惠質殊衆。即復蓬

葆其首。寧能斷遠人慕哉。足下旣已不幸。躬備殊
尤。宜給饜衆欲。使其不怨。不應矯首吁嗟。積人羨
忌也。僕妄意知足下深嚮者。爲故人言之。擬舉足
下自代。非有傷釁深積。寔害友朋。原夫初情。不過
以足下恣爲世恨。誕爲俗猜。若終托情放。無所檢
括。天下將視足下爲何等。區區之心。願足下一受
世鞅。長短共見。人將信之。弗徒令天下驚爲厲神。
疑爲妖祟。不可情測耳。且足下常作中散大夫矣。
雅負令譽。今選人人材之地。又世所夤援。非峻絕

流俗之士。未稱厥職。僕先居是官。頗有釐整。繼之
非人。恐墮失名實。意足下宜克舉此。且僕亦未遂
決然耳。若果焉者。尚將貽書足下。少馴不羈之懷。
漸達通人之性。勉循淑節。永保天和。必不僅以此
勞足下。默然無責善之義也。來旨云。人倫有禮。朝
廷有法。自惟至熟。有不堪不可者。僕循覽三思。殊
不得喻。夫明王不設責于田父者。田父于睢鄙樸。
未知禮法故也。足下兄弟挾才。交通名流。少婚仕
宦。容儀昳麗。即持何說。以絕禮廢法哉。夫臥喜晚

起。吟釣草野。山澤之徒。徃徃而見。足下抱氣清明。
質合富貴。此當敷任。劬勩鵝蹕良時。豈得昏志。惟
禱掩形蓬蒿者哉。足下旣已疑人。又欲駭僕。斯未
喻一矣。來旨云。性愛把搔。不耐拜揖。夫筰篥在前。
則忘蟣蝨。利口刃接頸。則輕鞭笞。昔之膽材多奇
者。非一輩也。或悴性于劇地。或殞軀于艱時。豈不
戀逸放哉。千里之駿。決韁絡而敖于市。則人必操
鞅逐之。足下自度。終能脫韁游耶。斯未喻二矣。來
旨云。素不便書。不喜弔喪。而人道未免。恐不見恕。

夫人道之可怖。足下既知之矣。足下屬文玄勝。海
 內有意致之流。無不傳說。豈謂足下不解作書者
 耶。且足下珍惜已生。輕脫人歿。揆諸情類。抑或未
 然。斯未喻三矣。來旨云不喜俗人。又苦煩累之。二
 者雖不肖如僕。豈常甘之者哉。老莊惠朔。足下所
 許。未聞數子築宮窮野。與人事絕息也。勢則未免。
 寧以高人獨得志乎。而以此重自矜異。斯未喻四
 矣。來旨又云好非薄聖。詰疾惡輕肆。在人間恐不
 止此。此甚不可意者。足下有所感慨。不得自平。顧

足下懷神仙之資。尤當齊一妍醜。混等治亂。若復
 悼激刺譏。嬰觸禍患。此為促筭。寧云養生。斯未喻
 五矣。夫人壽考佚樂。夷跡同願。夷宜壽而歿。跡宜
 窮而樂。事有偶然。若近世正平。見讐于鸚鵡。德祖
 受忌于色絲。良有致之。匪盡人罪。詩云我之憂矣。
 自貽伊戚。足下宜弘斯遠戒。無蹈不祥。即不羨門
 爭壽。庶幾永茲逍遙。不然矜躁非吐納之方。忤俗
 豈長生之物。足下以示嗣宗輩。當不謂僕迂也。

前題

李 雯

叔夜足下。辱書賜絕高詞雅旨。必於廢曠。足下以僕爲不相知。誠不相知矣。然僕之區區。豈欲足下離絕神形。蒸染心性。嚴世繩以相繫。睽曩好以格俗者哉。當今禮俗之士。不乏于朝。僕又何苦而引世外之人。勉所不能堪之物也。鄙拙之懷。竊爲足下自慮。若足下果寓氣赤霄之外。脫跡石嶺之上。合并虛無。邁不可期。則足下可以肆然適志矣。若猶未也。則僕之所言。非養生之外論。乃濟性之深術耳。何則。足下負龍鳳之雄姿。爲當世所吠吠。附

枝盛朝。高踞名流。天下之人。望足下之藩崖者。知不以沉淒相待矣。乃復不鳴不躍。或戴目直視。或曠若遠思。跡旣異于清狂。志欲絕其籠駕。深機之士。以爲足下自措于天地之間。將欲安爲乎。足下旣不能埋照隱識。時復一發觸口。驚耳而又高托神仙。自云玄遠。質行乖刺。重生疑謗。夫敗衣穢食。自甘枯賤之夫。辨言紛論。不過輕薄之子。足下所行。又豈得與此等論耶。恐足下自視爲禽鹿。天下視足下爲龍螭也。故僕之初志。亦欲使足下勉就

朝廷一雪此疑于天下耳。足下素意亢岸，動云老莊然而雋道，以形頑薰芳，以煎世天下，伏翳而阻機矣。當此之時，豈柱下能折其鈎，漆園能解其網哉。足下又云無萬石之慎，有好盡之累，以此接事。恐嬰世禍，然汲長孺面折人主，不聞歿于刀鋸。近日阮嗣宗口不言人過，而亦見讐于名法。故曰：或養其外而疾攻其內，或養其內而虎食其外。安必吏部郎而后能殺人乎。管龐德公不勸孔明以不仕，張耳不教陳餘以不反，誠以其才器意畧為世

所指名處，則生惑。出則避禍，苟勢之所極，鄴洛之下，未必非安處。鍛灶之側，未必非畏途。向使僕誠知足，下亦不願足下安此于天下也。足下之所謂九患者，拘士之小曲，非達人之深難。正使去之未足，致功名守之，或足顯迂拙。足下誠能公此于天下，使共見不才，咸知褊促。然後上友伯成，下交臺尚，無不從志耳。足下其勉思鄙懷，弘此高度，便復坦然不自崖異。

擬招討澤潞使成德王元逵魏博何弘敬上

宰相李文饒求罷中使監軍書

陳子龍

元達弘敬再拜上書司空相公閣下伏讀三年四月詔書朝廷以劉稹凶逆阻命勅河北二鎮合兵致討元達等聞命魏兵已柵肥鄉趙出銳師次臨洛依朝廷所降指揮斷其章表賊勢窮蹙又聞河陽陳許之兵已扼其南河東之師控其重險此皆主上神武明斷威所必行閣下訐謨決贊揣授方畧元達等謬在方鎮奉籓無狀深恃發縱以免曠

越敢不畢力上殄叛族以報朝廷下剪凶隣以保境土伏惟用兵之要乖順殊方任人之際專否異功閣下沉幾應物審決事體覽古今之成敗考國家之故實機失於有待功撓於將成言鑒往事想同痛悼自古用兵貴於專一唐興以來命將尤重安西節制萬里北庭兼統數鎮聽其區置無復監司故權歸一尊所向必克進壤却敵過於隆漢自安史作逆用兵不休朝廷深疑主兵之臣設立監軍紛亂兵政數遣中使疑阻將率朝廷寄以腹心

期其伺察動靜以致軍中畏貳撤其外禦之謀先
 圖內防之計曲躬桴鼓之下甘言矢石之間視其
 喜怒如當勝敗又進則貪功退則營利或挾朝命
 竦以禁密甚通賊旨示其重輕內外相間功都不
 立至於河朔世將亦置監軍跡所施為有害無利
 外鎮人情不一或有國之信臣乃心王室中人要
 寵構成瑕隙終事為難若乃悍帥強室擅違王命
 則挾持內使要請非常內使俯伏流汗唯唯上奏
 徒傷國體為天下笑是陰怯之性遇弱不能調遇

強不能制徒有交構之能曾無捍禦之用也即如
 近日昭義之事監軍崔士康為牙將所逼出言失
 次辱命莫甚概可知已至于用兵之際疑誤多端
 三軍之耳目寄於將帥自得進止則耳目專決今
 中人本無至計動稱勅書沮惑成筭搖動士眾執
 狐疑之心懷退怯之意泥遙度之慮斷須臾之機
 臨戰之時惴惴無措猥云詔節為重亟歛軍鋒銳
 士用以自衛又高牙大纛以自表異冀師徒克捷
 有專軍之功前鋒小挫則捲旗先遁全軍疑懼因

以奔北。又復抗表歸罪。將帥此英雄。以之解體。方鎮憤而跋扈也。伏惟閣下統羣方之任。建不世之策。為國掃除。顏綱復振。今潞州狂童授首不遠。此功之成。咸在閣下。閣下當清暇之時。為主上奏免中人監軍使。內之謀畧。所出專屬。宰司外之號令。所行專聽。節鎮大功之成。旦夕可就。管憲宗皇帝討劉闢。宰相杜黃裳。白罷中使。專委高崇文。闢以就縛。邇者天德軍用兵西方。閣下建議罷免監軍。回鶻破誅。此往事之明驗也。閣下為主上腹心之

臣言無不從。元達等俟命勤勤。其他用兵機宜。一如詔旨。閣下無憂焉。元達弘敬再拜白。

文

訕蜂文 并序

陳子龍

陳子入野。見羣蜂大出。營營甚亟。疾音聲繁碎。足翅並舉。不知其所托處。是數往數來也。童子曰。彼其居也。巢綴簷壁。木托層壘。萬輩戢戢。其房又非自為也。主人者置之。故朝離其居。望卉木而趨。若農者之獲。吏者之歛也。是且為蜜。然而天寒荒脫。

蜂○方○養○逸○火○薰○蜂○去○盡○收○其○積○故○蜂○春○勞○夏○富○秋○
貧○也○陳○子○曰○嗟○乎○蜂○勞○爾○形○費○爾○日○爲○人○謀○甘○而○
已○不○得○食○是○大○可○悲○憐○者○方○其○儲○芳○壅○盛○滿○志○高○
處○且○以○爲○計○長○久○也○彼○甚○貪○也○而○不○得○有○遂○爲○文○
以○訕○之○其○辭○曰○

嘻○蜂○兮○曷○役○之○器○小○情○攷○怒○目○輕○翼○羣○出○薨○翅○木○
英○草○蓓○合○遊○參○差○口○擷○足○載○其○體○勤○斯○穿○鈎○密○隱○
藥○折○辦○搗○非○爾○殘○物○用○營○餘○貲○藏○螫○於○後○今○人○懷○
疑○朝○出○暮○歸○來○疲○不○自○持○所○取○非○橫○欲○則○無○涯○嘻○

蜂○兮○爾○所○居○板○爲○屋○依○雷○外○危○附○裏○區○復○竇○瓏○
者○門○出○入○其○腹○徵○歛○大○野○踏○香○扇○馥○爾○倉○困○鱗○鱗○
肥○稠○并○積○濡○漉○以○資○永○長○用○爾○育○高○居○棲○族○孰○所○
襄○香○乾○寒○裂○開○爾○房○白○茅○綴○火○烟○上○移○集○恐○惶○主○
人○去○遺○其○糧○童○僕○口○甘○熬○炒○熟○黃○蜂○何○去○在○高○桑○
蜂○歸○來○饑○欲○僵○嘻○蜂○兮○何○皇○皇○而○贅○務○軀○幹○纖○半○
菽○日○循○一○畦○大○酺○空○家○何○虞○自○立○歛○賦○悉○徵○收○藏○
大○喪○終○輸○一○旦○爲○人○安○而○獲○食○昧○罔○寤○明○年○春○氣○
發○臙○英○思○復○饒○裕○廉○欲○歿○絕○飲○鋪○貪○欲○歿○藏○不○固○

胡弗深崖廣畝之房金石錮

前題

夏允彝

陳子曰勞形費日為人謀甘而已不得食蜂乎何
愚為文訕之李子曰飲芳以自芬遺甘以為人是
不得訕為之反訕雖然余惡其懷刺不能殺觸櫛
不能脫戴冠不成儀銛人以微甘而滑人以柔脂
也故復為之辭匪用憫愚而重嫉厥似其詞曰
吁而蜂而綏不垂而首曷蒙謂而若箕叢瑣鬚矇
從從木次扈扈非窿亦趨厥肋剗厥羽叢蠅則

步而翼奚狎颺蓬滯墜越顛窮吁而蜂而聲
芬紆綸曷晰薨薨醜扇匪吟匪噎匪求厥友曾不
而吶嘻而蜂弩視何嗔淫露次且人效厥目凶慝
則彌匪利懷螫而則機危睨人之猝竊發穿軀而
則人毒人亦而瘳絞液醉痛亦曰何虫吁而蜂氏
而以范不睽雄雌同川合室厥族自孽號而笛師
而舌不簧混混雲頽駭若飛蝗謂而若壺而腹奚
裝嗇嗇嚙嚙噐渺塵揚吁而蜂居而板屋鵠卵不
容厥戶十百莫一而蹤金房繁布洩飲雜踏吁而

蜂抵而牖明。觸冒越躑。前蹠罔悟。勤趨迫窄。而退則那營營。斯阨吁蜂兮。赤蘿方繡。香樹始葩。吸其漚津。吮其瓊華。靡惜方岑。呼羣益譁。吁蜂兮。而戾盈兮。而潤微餌。而甘兮。樂而依割。而藏兮。護而畿荒郊。有叟善蓄蜂。日飯斯甘。長不饑。

前題

周立勳

有物羣飛。勢欲亂空。其聲薨薨。撼予于夢。童子曰。此蜂也。家於廉廡。一室數層。貴者居裏。賤者居衛。日則遊。雨則處。花苞未散。蜂則刺之。液而不食。以

待人取物之好禮。而近廉者。然其穿裾入袖。懷螫向人。拂之不去。犯之愈集。何其昧于愛憎。失聚散之道乎。是可憎也。故為文以訕之。其辭曰。爾形何犯。舉物以翼。別族羣牽。自處其國。春氣放新。天不汝勒。細芳見尋。高英必克。散漫無羈。搖羽香織。日光媽露。華腴扇輕。風探柔纒。入幌知窺。觸窓負復。綴輕林而欲酣。分艷覓于未醺。籬落棲遲。既進復抑。日採夜灑。勞鬚勤臆。凡物貴安。子行不寨。草辭蒨而為收。花解辦而子貸。割房奉尊。罷衙

歸職出入懷持母乃太墨視原野之芬嘉子無身
而往即若乃蘭閨試暖瓊媛初粧鬢成霧濕髮豔
花光藥蕤將墜子襲其芳燕釵微動寶鈿生涼見
驅羅袖款款皇皇子無媒而拾麗愁落紅之荒荒
腹張口囁匿尾踉蹌蝶翩翩而善戲子逐逐而謀
糧液甘醴釀穠漿惜爾食予弗知乃所創秋風朴
物百卉結稻花浥露清寒泄新黃欲溢初澍成桂
林梧宮不汝缺一旦錮爾居塞爾穴爾不釋美烟
則爾熱人肯爾肯爾不自拙不有巢深巖聚脩蘖

役風雷斷崖碣瑤姬薦而惟馨青桐奕而猶劣何
子之攘攘而未已專一蟄以藏身含輕螯而不試
集衣襟而見嗔雀喧喧日求飽子無故而忽貧明
年霜乾露壓枝復擾擾而趁人

前題

王元玄

營營小羽暖氣斯征決起簷雷傾身萃榮躑躅繁
萼抵路殘英載脂負馥歸澤其羸飭整周衛潔聖
軒楹即穴雄長役衆轟聲朝驅霧稅夕歛花耕君
不得饌臣不得羨勤斯瑟斯誕獲穰盈吁嗟蜂兮

日老花寒。蜜房則膩。蜂舉斯殫。播族于野。盲霧圍
團。不可托些。中宵而謹。雕甍既謝。餒則何餐。經林
碍雨。求芳觸闌。吁嗟蜂兮。忍痛昔權。失甘已矣。載
毒云難。安爾瀋液。勿矜羽翰。

前題

徐孚遠

蜂之爲物微。是其類衆。共在一宇。採取以釀。擇利
而任時。似有智者。貴者驕蹇。不事事。驅使其隸。治
生畢出。無留。又似有禮者。畜益多。益恐不足。未敢
嘗食。脂滿澤房。將沒而世遺。無窮者。然其釀液甚

甘。人得食不厭。俟其已熟。號曰蜜者。燹火攻之。蜂
大駭。舉其族遠竄。素所畜積。委棄無所。攜持取者
剝割恣盡。大樂之。亦無慙恧者。向使以其腹量少。
欲寡取。無利於人。豈有斯患哉。貪不知止。以傾其
藏。悲夫。余嗤其所爲。若是爲文以訕之。其詞曰。
嗟汝蜂。汝形絕陋。情逸不持。驅羽戢戢。偶衆而嬉。
割榮拾華。曾不量訾。瞋目織腹。尾距足齧。囂叫勃
呶。挾毒出奇。抵觸芬馥。疾刺若錐。凡汝險賊。非性
所爲。狹中競外。欲以保貲。智小慮大。經營不悞。釀

之信芳閉固匪養。嗷嗷之食於萬年斯。其中傑蜂。自號曰王。偉形異質。脩茲服章。驅衆力作。春乃大穰。漁獵英艷。委填下房。常恐內虛。計口宿糧。微歛嚴切。羣蜂徬徨。政出不議。擔負盈倉。藏厚物如非智。所詳焚林。睹燧曷守。厥疆喑喑。羣奔前免。後僵。竄身依草。曾不攜將。故巢狼籍。回瞻茫茫。吾悲夫。蜂爾甚愛爾之居。而不知患生于有餘。爾幸保身。寄食且安。如昔富不貲。今為虛胡。不寡營淡。慮安其初。

前題

朱灝

瑣哉叢范。營名羽族。計優攻寡。不約共逐。既醉露酒。復饗卉肉。招搖鳴狂。擯寒鴛嶼。高于羣遊。身寄林麓。巧為潛構。窟藏金屋。取媚則顧影自憐。以割潤髓。藏怒發聲。不禁以莽。毒鏃子尚他。謂號乃妄。尊附木藉草。雷同發喧。徵紅若檄。棄青為髡。聚雖成市。名未離村。陰簡出而名傲。馨所在而競。騫時釀甘以悅。採使既浪跡。而設嚴閣。集謀金蟲。聚搏丹靨。窮芳不顧。新榮三接。逢鏡紅嗔。觸帷香惜。豪

攫瓊魂。俗辭月帖。綵筵闌飲。錦城暴客。佞幌紙以
求通。創媽骨而乘隙。徘徊華障。爲識塗銀。吮咀綺
文。以飾曳白。作使送萼。迎芽成媒。合赧連碧。闕音
亦號成衙。向人輒圖投刺。奚能效彼鸞和。止堪其
乎食吐。冠以滋強。鬚爲樹怒。假吹風以入幕。夸噪
聲于當路。甘心喜乎花獵。貪量過于書蟬。遇朱紫
而濡首。逢黃白而入林。吾哀其知營脫網。忙汗芳
塵。甫快無禁之取。不知老至之春。

前題

顧開雍

結軀形以噍陋。挾小毒而未長。託甘心於密室。奉
逸樂乎君王。與造物之難私。獨攫取而盈房。朝孽
孽其拾利。恣力攘而休糧。於是春叢薄暖。花眠風
嬾。沉露啼煙。晴臺絲緩。明光穴影。于璇楞流。帳銷
紅。以告短初。薦窓而觸音。忽遷聲而族滿。楚夢失
圖於回岫。秦宮亂聞於布管。則有蘭根十里。李暈
千城。遼繞猥遲。亭妍送迎。撚迷黃乎羈魄。翻離魂
乎縱橫。拂脚躡香。彈身落英。朱瓊晝閉。惺惺夜怍。
何狼籍之無知。不數跡於班荆。爾其連徒出谷。恣

雖蹴踏。獲芳則美。巧方颺。患至則防。乎在腹。能非
 物害。居然未鏃。苟近前乎。承侮靡傷。生而已。感懷
 利器。以修怨。悲一示而難復。譬芒去而鋒藏。遂傾
 權而敗祿。當夫潛躬類智。遺厚善。愚處無別窟。寄
 彼牆窬。終他人之有屋。謂已獨而逸。娛耽飴釀禍。
 守災卒荼。一旦寇入。積勞莫餽。惟天道之惡貪。今
 羣小而久。有膏腴。忽掃室而不納。茫茫乎籍於敗。
 縛而塗於空株。非奉生之太濃。而誰為之驅。

反訕蜂文并序

李雯

有物飛飛。朝出暮歸。采采翹英。扇而為飴。既人利
 厥有。鞠然喪資。陳子曰。此蜂也。貪而近于愚。作文
 以訕之。李子曰。青蠅集羶。蛄蟻弄丸。物各奔其權。
 以視蜂也。不有間乎。飲芳以自芬。遺甘以為人。繇
 其道而得譏。奚以愧之。二蟲者。作反訕文以解之。
 其詞曰。
 登木者蟬。清無功。玄駒林林。欺斃蟲。蠕蠕馬首。巧
 喪躬。吁嗟蜂兮。吁嗟蜂兮。鬱為甘。始為細。雄號族
 之萬。乃好層城。居井幹。以為宮。覽察草木。行吟芳

叢顧旦旦兮若將勿及。極佩紉兮鮮從容。秀腰獮
 英利足耕香。經瑤圃兮戀瓊華。不忍委棄而無當。
 珮繽紛入室。窳列星羅。垂懸珠鳴。攸咿醪醖。香
 為肥兮實蘭蕙。合萱蘇兮不替。醲瓊靡以善澄。衆
 芳去蕪糲羣。襄不妒紛和味。供所帝爰遇竊脂之
 子操煙而揚開。吾房窺吾藏。逐吾遠。徒盜吾糞。割
 玉髓溜霞漿。不顧厥有翼。登君王臨高墻。寒風菌
 縮多旅。僵蜂悲來還入房。羣指澆嚼甘未央。蜂羽
 戢戢理空廂。誠既苦兮又不以懲。開春發歲繁英

蒸膩黃。含粉一握興。爰擷膏馨。飛以募。專專芳思
 不憚烝人。則貪兮謠謂蜂。以不廉食其飴兮。憎吾
 環柱則蠹兮。都梁然物懷美而必毀兮。之小蟲兮
 復奚憐。

釋愁文

陳子龍

歲在涪灘。招搖指午。有神下降。集於庭隅。告謂陳
 子曰。子適時精悠。歷世隆全。耽文環麗。駕譽高淵。
 其有所企。可俟以年。而子墨墨。塞心頓神。縮髓煩
 枯。璿加焦懟。益侈繇常。獨倚仰天。反指悼胸。憑虛

不醜不美。垂氣充絃。光耀內累。遇盤突。嗟在歡。如
 恥聰明滑逸。戶牖黝幽。中紛多營。口不能謀。殿屎
 經時。視日為仇。妻若荒夜。亂於碣。蘇遐。矚疾。瞻棲
 止浮游。菴有專情。決奔淫流。不懷世繩。抵務急。悞
 娛心。日去。鞅縛并牽。覃覃恤恤。自相惑扇。起伏倏
 忽。類繁。族衍。指高躑。下疑有深。戀究詰。宗涵端倪
 渺。冥。歛之。勿厭。淪之。勿清。挫之。勿韞。擯之。勿傾。蘊
 萃子躬。日夜發生。世首。湛和。獨子厲盲。侘僚沈恒
 體僵。日堂一緒。
 明。肩戶。側吁裏蹇表。

亭鬱軫善來。嚼辛病癘。比於玄房。醇酒難酌。纏嫁
 他物。繼續憤憤。子實微通。厝情晦昧。必有大戚。都
 手臍肺。潛察宿疾。厥號何輩。授予根荄。為子割拔。
 陳手目。余負斯恙。有年矣。甲子始。崑困涸。神傷太
 卜。示兆云。有神人。解此僻愚。豈其是耶。遂再拜長
 跪。告手神目。某植。衷寒莽恣。情誕孽疾。痛盤中。厥
 名目。愁播種。虛窈興。起駢稠。倏兮如夢。凜兮如秋。
 徑途。鬱凜。罔象。拘囚。攻之累歲。近劇。遠瘳。凡人。不
 樂。心有欲就。或慕充盈。或懷袞繡。或趨聲色。或眷

年○壽○未○獲○戚○戚○有○時○邂逅○惟○余○鮮○慕○遇○物○反○覆○舉
 世○賢○明○已○賦○踈○脊○余○德○胡○儉○余○悲○胡○富○曉○光○展○初
 蹶○興○披○帷○引○鑑○鄙○容○心○傷○所○之○汙○汙○客○徒○不○見○悅
 怡○逸○坐○越○神○俯○仰○呻○吟○勉○期○假○寐○歷○魂○滅○陟○道○於
 沉○酒○佯○稱○可○宜○遵○軌○投○方○跪○獻○威○儀○世○謂○合○道○余
 竟○大○悲○輟○跡○重○困○彼○人○歡○嬉○陰○持○兩○端○突○梯○首○鼠
 號○曰○中○庸○危○人○愁○予○海○外○仰○聖○驪○皇○大○衍○齊○聲○貢
 哀○歎○資○祥○戩○細○人○如○蠓○懷○抱○迂○舛○草○萊○不○治○妄○憂
 統○冕○意○長○路○遠○處○身○重○繭○口○如○鳩○夷○與○喑○莫○辨○極

目○摧○傷○臆○輪○輾○輾○公○卿○透○蛇○止○嶽○行○風○傑○步○賢○趨
 當○世○鉅○公○朝○請○田○宅○暮○乞○兒○童○貲○用○隆○盛○盤○餐○充
 錄○彼○大○娛○樂○余○則○深○恫○愁○此○視○肉○致○術○乃○工○厥○所
 切○悼○余○有○賤○噐○形○類○匏○瓜○睽○違○涉○利○大○用○非○時○小
 用○見○棄○直○鈞○入○水○其○姜○司○第○難○動○食○指○不○遂○歡○事
 壯○歲○寂○寂○莫○奮○心○智○氣○决○才○輾○何○所○謀○議○外○若○鄙
 夫○內○實○自○恚○我○觀○世○人○輿○臺○賤○徒○負○重○喘○汗○髡○髮
 焦○鬚○濁○酒○譁○笑○心○開○意○愉○張○樂○進○卮○樂○余○為○誣○魑
 有○之○媪○醜○逾○嫫○母○研○朱○褶○衣○逐○媚○和○娛○豈○無○媼○娥

自顧不殊凡鄙小物各有饒裕蠢若螺蚌矚目不
 布穢若螻蟻熟饜土趣喻喻舒涎嫋嫋躍足余蓋
 不如動與愁遇敢告司命使余有身曷弗為石不
 知屈伸雜雜能感自生冬春倍情百蕞莫適所真
 幸茲靈騶弭節陋庭願因神威開其愁肩遷心笑
 歌永保清醒與世偕樂神其余聽再拜求釋神乃
 告曰我知子疾勿事他省衆庶憑生小獲意騁賢
 哲廣慮引為已青子愁何窮常負耿耿我聞大德
 混樸至道氤氳治亂無累榮辱葭分世樂既忽子
 愁不聞伐子妄慧免子迂勤澹漠持心與古為羣
 余敬受之愁乃引去

前題

李 雯

歲惟涪灘月纏脩臯李子夜臥夢見赤帝大衣朱
 裳祝融在旁羣龍啾啾霓旂飄揚殷髮鬢齒偉衣
 雄裝召而問之曰子前來子不攜不藜匪孽匪瘠
 詈嘲不歷願艾林隅正容觸疾子獨尚逋戚施侏
 儒望子避途目大氣上不與物拘冥搜橫獵足踏
 乃腴勃谿絕聞朋介俊夫鏤思鈇義若鼓在杼子

奚不樂。煩心中。矍下。睫沉視。舉首上。喟意若孤雲。
靡所止。泊身若囊甕。不得搖。作神濕形燥。引瓜自
嚼。夜半披衣。磨行躑躑。視燈顧影。蹶檻觸幕。晝步
荒庭。莽若求索。枝格其首。石齧其脚。蠢震騷訛。弗
離。軋錯。蹇產。縱掣。梨啣。犖嗚。匪貪饒。貨匪鰥。饒姬
奚煩。奚督子之所處。非有大喜。亦足寡悲。奚仇汝
躬。奮憂。追譔。嘔文。吐萌。厥耀。後熹子諒。未躁。奚爲
糾思。伯奇帶藻。屈原路澌。腐遷坐陵。吃非殃。斯子
皆不有心。何膠維。孰云子智。小慧大癡。放而不已。

摻髓煎脂。是惟深疾。朕尚治之。李子再拜稽首。伏
而言曰。糞土愚臣。敬聞帝言。開盲鳴喑。心云奔奔。
臣有大患。厥端孔繁。凝魄鉢隙。依寓堅根。柔毒頰
著。精愚默昏。厥號乃愁。不知其門。臣謂有聲。觸喉
而出。狸鼠在途。割若霆畢。僉曰不然。舌飴唇漆。臣
幸有目。睽光直視。燁燁電開。魍魎歛趾。世之所尚。
若屑糠粃。弭耳側肩。俯首曲股。衆皆相衣。羞余章
甫。詭壘填填。禁吾鼉鼓。綏綏雄狐。高倚帝傍。玉狗
不噬。徒相徜徉。竊符睨劍。意走八荒。臣欲擊之苦。

手○無○所○妖○孽○乘○車○逐○逐○膏○羶○諾○龍○端○坐○魚○鼈○溜○涎○
 麗○服○老○蛟○吮○血○便○便○臣○欲○射○之○苦○弩○無○絃○鮑○液○結○
 體○脂○以○為○心○誚○蘭○憤○蕙○惟○雷○厥○音○蒼○蠅○羣○飛○若○華○
 以○露○臣○欲○驅○之○吾○首○岑○岑○丘○蚓○結○穴○載○伊○載○哦○蟲○
 臂○攫○拿○勑○勑○蠕○蠕○薄○腹○滿○腸○嗑○喫○圖○鋪○臣○欲○逃○之○
 舉○足○充○衢○叢○棘○枳○體○不○得○施○濕○沙○滿○雲○壓○吾○眉○中○
 氣○組○轉○晝○不○饑○仰○望○白○日○光○離○離○邑○犬○柴○呀○但○揖○
 之○雀○啄○驚○步○安○所○馳○愀○若○窮○山○接○幽○魑○神○驚○魄○趨○
 空○以○羈○化○為○老○醜○寧○不○悲○帝○曰○吁○來○哉○吁○來○哉○子○

之○所○愁○余○之○所○憂○夫○既○不○可○得○而○為○今○何○脩○何○謀○
 且○子○惟○其○身○之○不○卹○而○又○遑○其○他○李○子○于○是○懃○然○
 受○命○浹○然○出○汗○振○衣○而○起○愁○去○大○半○

前題

朱 灝

余○夙○負○憂○疾○以○養○神○愛○性○之○方○療○之○加○甚○窮○日○夜○
 囚○愁○愁○亦○仇○視○余○幾○同○纏○結○不○可○解○轉○丸○子○謂○余○
 曰○愁○之○種○類○蕃○昌○爾○拘○繫○之○久○一○旦○反○行○見○爾○七○
 戶○之○不○臘○矣○莫○若○釋○之○烏○有○之○鄉○毋○令○愁○甘○心○爾○
 焉○遂○申○之○以○詞○云○

惚恍乘權兮。累繫所都。纖萌綿蔓兮。不拔為株。蔽
 辰黨夕兮。寄埋霄墟。易進難退兮。浮沉煩區。時囚
 虛而拘荒兮。無恢宇之可逋。憂吹沫以助瀾兮。蕩
 無宿之神。艦鬱障阻通兮。黯層與俱。慘罔未解兮。
 嬰族受剗。斟鞮酌轆兮。時醉傷壺。情棟頽墮兮。精
 爽失。無感入膏肓兮。投之解藥。纏在夙管兮。渙以
 非昨。焦迫萃雕兮。去其衆鑿。憤溷黑白兮。安于負
 博升墜天淵兮。效彼馭矐。不長羽翅兮。亦遠矰繫。
 勞繩繫日兮。斷此營索。世薰隆炎兮。已忘內熇。工

隨物動兮。獨守玄作。俗尚啜醜兮。胸先去粕。友空
 昵寂兮。恣游為客。迎漠幽遁兮。棲希成驛。淡薄無
 間兮。詎開以隙。覓浮合散兮。攸歸默宅。導氣消錮
 兮。能化金石。七戶常扁兮。不受抉摘。專意絕道兮。
 沉滯奚惜。慧車無還兮。煩寬疆畫。養焦榮悴兮。肥
 性去瘠。膏思澤亂兮。安國日闕。愁迺命長。駕離重
 席。不留積巢。慨然別適。來不埃要兮。去何肯招。陷
 水兮。不漂入火。兮。無焦隨天。南兮。海之北。儻不返
 兮。快假翼靈。攝官兮。不受墨懷。樂饑兮。悲阻食。

前題

宋存標

人生百年。懷慮千歲。山川網緼。風雨四至。填憂若
 縈。積畏如刺。日月避門。鬼神去舍。離憂憤亂。莫窮
 端倪。于是宋子謀徙。其族於彷徨之域。使舊塵逐
 化。新累追風。清虛恬淡。偕適自然。無為我為也。無
 慮我慮也。愁鬼聞之。乃衣焦不申。頭塵不去。百舍
 重繭而至。曰噫。吾子之故人也。有德無怨。子何去
 我乎。夫凶懼者藥石之府也。無思無營。痰疾之所
 生也。管仲無魯囚。齊不舉為仲父。子胥無楚索。吳

不徵為相國。困厄乃奮。古今同軌。憂危之故。其願
 可探也。今之縉紳。先生朝辭殿陛。暮嬰木索。雖使
 少伯揚旌。東方發策。猶未得昂首伸眉。馳驅康莊。
 附青雲而聲施。後世也。况子名未通於朝廷。望不
 隆於里閭。而乃欲優游養安。風雨不驚。室人無譴。
 此實難矣。我實懼子。不自省戒。罹于罪戾。是用左
 右。夢寐在側。使子朝顏不歡。夕息失志。發憤無聊。
 著書立說。無暱安以自便。無喜諛而樂禍。與愁為
 伍。與德為隣。聖賢所以自全。英俊於茲奮轡也。豈

可自同虫氓。甘心木石。以浮沉為世資哉。我不子
 負子。乃余逐子之性情。我所習。子之家室。我所安。
 曷克舍舊而新。是圖。宋子乃引義告誡。儷辭比類。
 陳酒碩果之巷。扶輪君子之堂。為文以送之。曰。我
 甚感子高誼。助余智。矜余愚。有患難之情。無富貴
 之色。獨惜子聞見不廣。而未臻大道也。蓋聞和氣
 召祥。戾心成慝。荆棘之防。非吉士所以居身。悔吝
 之域。非至人所以養福。人皆泄泄。我獨皇皇。衡泌
 幽憤。恐未能動攝羣。會有喜而憂。與有憂而喜。其

失則均。子其速往。富者食子。貴者衣子。攢眉計籌。
 折腰患失。愁甚予也。子何不往。而顛顛守予。予既
 無當世之責。逍遙散誕。固其性成。詭詐窮變。又非
 所好。不作雍門之歌。無煩楊朱之淚。浩浩悠悠。不
 知浮雲之翳天。驚濤之沸地也。子往矣。無落我事。
 于是愁鬼。抑揄嘯梁之徒。咸慙焉。若失望影。驚匿
 我不避愁。愁亦余釋。

幾社壬申合稿卷之十八終

三十八

三十八

八



